



# ACHTUNG, FERTIG CHARLIE!

*Film dal mais, da Curdin Fliri*

Segir che tuts enconuschan quel temp enturn ils 20 onns. Tut ils umens survegnan in feagl cun si la data cur che l'enfiern per 15 emnas entschaiva. Be precis, la recruta. Antonio (Michael Koch) ha simplamain ignorà la brev e giudì vinavant il mund. Pir a si'atgna nozza emprenda'l ad enconuscher la realtad da la vita. La polizia vain, interrompa la ceremonia e prenda en fermanza ad Antonio davant sia spusa e tut la parentella. El sto immediat entschaiver sia recruta. En frac vegna'l transportà fin tar la caserna da militar. Ma quai n'è betg anc tut. Tar sia truppa vegn tiers er anc il corporal Weiss (Marco Rima, lustig sco adina) che schicanescha a sia truppa cun manevras da l'impussaivel. Antonio vul be anc ina chau ssa: ir enavos tar sia spusa.

Cur che recrut Weber (Kaya Inan), il meglier cumpogn dad Antonio, scuvra che la recruta Michelle Blunschi (Melanie Winiger) è la figlia dal cumandant Reiker (Martin Rapold) tils vegn endament be anc ina soluziun. Plan B(lunschi). Il plan è fitg simpel. Antonio sto rablar en letg a Michelle. A la fin finala è sex en la caserna da militar scumandà severamain, surtut culla figlia dal cumandant.

Igl è ur'e temp che nos bun pajais fa puspè in film. Risadas èn garantidas. Achtung, Fertig, Charlie! è ina cumedia divertenta che ti na stuvevas betg mancantar sche ti et almain in pa patrioticuo sche ti duvras novas ideas per far daventar grit a tes corporal.

Il film è en ils kinos en tut la Svizra davent dals 18 da settember.